

毫

餘

詩

話

耄餘詩話卷之五

查丈巖門學有淵源幼承祖敬業老人指授思敏才富名  
重一時所著有巖門詩鈔南燭軒詩話渠經閣讀書記乾  
隆丁丑志局雖同人分任然橐出我兩人者居多同宿水  
仙閣下擊鉢聯吟甚相符也唱和有安國寺觀范文白五  
百阿羅記石刻登占鰲塔望海過西庵放生池次薛間舊  
韻泛舟城東步至東寺返過怡庵疊韻諸詩同作者同年  
王穀原又曾表兄楊竹巖煥倫詩不具錄壬午場後先生  
病卒子椒堂奕棗亦能詩孫一飛字采南一麒字康之並  
有文行肄業安瀾書院嘉慶癸亥中丞第一次甄別采南

冠其曹丁邗應京兆試中式南元自敬業次君雙峰先生  
克念雍正甲辰登鄉薦後科名接武已八十四年矣

金柱峯明府 慈愛民重士有古循吏風許慕迂太史煇手

書公廬明允四大字以贈一時多為題詩丁丑修志開館

水仙閣時吳樵石 嗣廣許霍齋道基王穀原又曾尚未來

惟余與巖門宿館中巖門住東廂余住西廂各携一僮談  
至更深就寢旬日後聞閣下有聲初意以為鼠也次夜聲  
甚震巖門早起大言責之曰我在茲効治鬼祟有驗倘今  
夜復然弗怪我牒城隍也不料是夜愈甚聞空中撒泥聲  
漸近撒至紙窓不覺毛骨寒慄每夜巖門聞響輒開窓遙

呼是夜亦不復起矣次日金明府來余與巖門降階待之  
明府疾趨入神色大異不暇寒溫叙數語而去衆咸怪  
之明府返署召書吏問之曰我適到志館恍見一人朝衣  
朝冠從閣下出以致失禮於二公汝為我道歉但未知果  
何祥也吏沉思良久對曰十五六年前草塘廳宋公中暑  
歿於閣東偏身瘦而長面黃微鬚年可五十許明府曰此其  
是矣吏出即行走告巖門買香燭拉余同拜許佳傳然苦  
無事實余歸家問諸先君子始知其畧因共擬傳曰宋雲  
會字沛蒼山東膠州人雍正丁未進士有文名性復高潔  
官雲和常山知縣舉卓異遷草塘通判嘗分校鄉闈所鑒

拔皆知名士相國陳陽史公浙閩制府德公薦舉御史未  
就卒即晚焚草城鎮董事諸君復醺分祭奠是夜遂寂然  
矣聞者莫不畏宋公之靈且嘆身後名之足重如此後見  
盧雅雨見曾山左詩鈔選有宋公詩知其號澹秋一號夢  
溪爾時不知宋公能詩殊闕事也

甲戌同年王穀原又曾詩以金風亭長為宗刻有丁辛老  
屋集錢擇石載選定重刻丁丑同事志局唱和甚多偶檢

篋中得君登占鰲塔望海歌云去年八月至海上賈勇曾  
一浮圖登今年涼秋迫重九矯首益覺秋峻增天清氣爽  
腰脚健塔心竄窅旋螺升鴻濛一氣落吾掌天半不怕危

竄音吊切音叫  
窅徒吊切音調  
張衡西京賦望  
一以在是注深  
遂貌

欄。凭。蒼。茫。莫。辨。大。海。水。斥。鹵。綿。亘。百。里。十。里。同。田。塍。或。堆  
者。埕。窪。者。井。牛。牽。夫。擔。細。若。糞。溷。蠅。竈。丁。燒。鹽。食。鹽。利。耳  
久。不。聞。潮。汐。心。戰。兢。當。時。龕。諸。夾。立。雲。間。涌。一。綫。怒。勢。險  
欲。塘。身。乘。萬。馬。奔。突。誰。可。敵。强。弩。詎。有。錢。王。能。此。邦。岌。岌  
任。衝。蝕。築。塘。連。歲。罄。鼓。勝。魚。鼈。倖。免。禾。稼。損。怨。咨。那。息。農  
民。騰。日。費。斗。金。亦。何。益。人。事。要。待。天。心。承。  
帝。咨。良。相。汝。予。治。馮。夷。不。復。相。侵。陵。役。使。萬。鬼。羣。北。岸。沙  
漲。何。啻。恒。河。增。東。海。揚。塵。今。幾。度。高。岸。為。谷。深。谷。陵。茲。理  
固。由。至。化。洽。吁。怪。詎。曰。尋。常。徵。晴。秋。登。臨。豁。遠。眺。靈。霧。淨  
掃。蛟。蜃。蒸。但。見。遠。峯。百。朵。儼。眉。列。斜。陽。隱。現。青。鬚。髻。成。連。

一去子春香。水仙殫罷呼難應。東坡好奇鬻縹緲。有無海  
市將焉憑。江山清宴自可樂。目極島嶼盤孤鷹。夜來乘興  
或再出。同看塔頂光明燈。詩字雙美因偶錄之。此詩與查  
巖門政昌許漢階飛鵬楊竹巖煥綸陳中行臨及余分韻

余得望字。君素有咯血症。晚而愈劇。遂成羸瘵。年五十六  
患喉癰而卒。君有才子曰復。字敦初。號秋塍。出畢秋帆制  
府之門。為吳會英才集九人之一。後官中州縣令。旋亦下  
世。憶君嘗謂余曰。長子不善讀書。幼子庚午年生。聰慧可  
望。秋塍少孤。能自樹立。計享年不過四十也。  
穀原為吳叟樵石妹婿。招至志局。叟嘗預修西湖志。浙江

通志時已老矣。飲酒論文不舉筆也。余贈詩二首錄其一云。均體流傳早。軼塵詩久老。任天真。高懷欲比林。君復儒業還。師雷仲倫。篋裏杯鐺長作伴。山中松木自相親。酷羸乞與還丹訣。願結行窩未了因。叟未幾病卒。有抱秋亭詩集十二卷。歸愚先生巖門丈為之序。

穀原與韓石情好最篤。嘗結日課一詩會。吳叟樵石陳師

秋坪及萬循初。光泰

汪厚石

孟銷

桐石

仲鈐

預焉。因吳叟

別號故竝聯石字。蓋取石交之義也。甲戌

廷對。穀原以策誤。五段置三甲。時韓石已壬申二甲第一。

入翰林矣。於大衆中以同進士如夫人作對相嘲。聞者莫



不軒渠穀原大有不平之色。然擇石胸無城府。意所欲言。  
輒信口而出。不顧其忤人也。余識擇石於裴文達公處。後  
刻詩集成。年家子戚馥林芸生以一部見寄。余題詩即倣  
其體云。憶我見擇石。上章敦群冬。爾時年長倍。擇石年四  
十二偶於師門逢我師。為我言詩能令人窮。汝浙老名士。鴻  
博會同徵。叶數奇輒被朋。久滯副車中。今秋考教習。收  
錄到渠儂。退各詢所寓。互持一刺通。人海浮萍合。相知良  
不深。叶次年誇奇遇。王五穀來鄉邦。叶我師復惋惜。何不  
獻賦從是科。我下第。驢券書匆匆。沿灘我卧病。停赴公車。  
痛遙聞羨晚達。花看長安紅。忽於半年內。抒盡平生胸。迨

我臚唱日王五進士同雅譴殊為虐大笑滿堂曰其後或

譚及尚露不平容一別卅年餘置身青雲崇夢想頗不到

時來卿與公釋石貧時交惡數畧能終樵石吳茂才最老

壽伯道悲蒼穹萬孝廉最博雅客死嗟飄蓬穀原王

曾部又稍發泄厚石汪選部本素封厚石弟桐石汪孝廉瑣

簾奏雍雍王汪雖有後名位未光融所以吟社裏獨推彭

城雄詩人享厚福未邵稱無雙叶丈夫生世上遭際命所

鍾流傳賴佳句春勿晒雕蟲穀原師醞觴厚石學洛翁兩

人竝石友亦復我良朋叶釋石竟蕪之才大少爭鋒歸申

自編集剗劇方畢工戚生二字用寄貽我開卷墨痕濃病

眼觀大意雲霧豁朦朧申謝走不律太息撫孤桐

杭州諸生莫弼字右張號柳亭嗜酒鼻齷性極瀟灑學有根柢與陳星齋同學齊名而終老不遇余與先兄應試至杭柳亭輒來劇談熟於武林舊事娓娓可聽夏月必邀喫仇園菟仇園菟者吳山之麓有地畝許相傳為山村故居所產菟味甘而腴美於他處非早起不能得也三人有仇園菟聯句詩乾隆己卯庚辰間塲屋用詩其門人馬彭字軼錢初學未能諧律柳亭令從先兄為詩弟子口講指畫所業遂工柳亭姪維字維山博覽工詩文丁酉舉於鄉人極迂僻殆可入淵源錄中云

仁和蔣素懋字亶夫號若谷先兄乙酉同年也少孤事母  
張純孝若谷工制藝通群經而尤精于左國詩不多作刻  
意樂府音節古峭有吳山草一卷

佛爾雅八卷凡十六釋釋名一釋詁上下二釋親三釋宮  
四釋器五釋樂六釋天七釋地八釋山九釋水十釋草十  
一釋木十二釋蟲十三釋魚十四釋鳥十五釋獸十六自  
序畧云乾隆辛亥夏五月宗姪耕厓孝廉廣業自皖城歸  
過余齋為余言朱石君中丞方撰佛孝經余思有佛孝經  
不可無佛爾雅遂銳意創稿凡三月而成書略加注釋如  
郭景純若疏通證明之尚俟乎將來君子也中秋後三日

書時初意欲付剞劂門人張廷琮任手鈔寫樣雖成竟不  
果梓至今尚藏敝篋也廷琮字蘭九號絳巖又號前山族  
叔駿字信寰號荔園竝從學於余二人齊名有聲藝序遠  
近莫不稱東郭二詩人也荔園詩學中晚長於詠物尤工  
駢體小賦極精余嘗為之序前山詩以精華錄為宗余題  
其詩卷有一瓣香歸何處好漁洋蠶尾兩峯青之句荔園  
乾隆庚子成進士今官處郡教授前山年未六旬以歲貢  
需次卒不勝存歿之感

嘉慶甲子八月馮鷲庭集梧以所著杜樊川詩集箋注所  
刻元豐九域志惠定宇後漢書補注及其尊甫孟亭侍御

墓誌銘寄贈嘉平月廿六日、歲暮風雪中、遣急足以嘉禾  
瑞應圖立索題詩、因呵凍走筆、作嘉禾篇、仿竹垞先生體  
云、嘉慶九年紀甲子、西南龕靖縶弓矢、柏冬河公仍效靈  
駢祥疊貺頻送喜、先是六月暑雨咨浙右、邨田浮雲水節  
使拜章

睿澤覃和氣、感召一何駛、五風十雨轉休徵、憶昨空憂禾  
生耳、我聞天瑞地瑞、魚動植甘露如膏醴、泉溢黃龍鱗鳳  
木連理、不若嘉禾推第一、神農之世、雀銜來陶唐、三代紛  
紛出、逆書旅命事最著、拔貢歸來猶能述、迺知此禾本仁  
草、吾

皇深仁古聖匹崇墉比櫛話盈寧異畝同穎稽文質繪圖  
欲追孫熊手作志寧數蕭沈筆君不見嘉禾舊郡產嘉禾  
地天協應舒恩波

聖主賢臣千載遇含淳講德宣中和順成登衍諸福至老  
叟擊壤行人歌益壽增筭齊慶

天子萬惟願金穗玉粒年年多乙丑新正貽書申謝禮意  
甚殷未幾驚庭以積勞成疾卒聞其遺孤尚幼他日能讀  
父書否也

楊十一舅氏諱詠字抒懷乾隆戊午副貢歷知銅山沛縣  
所至有政績撫孤姪兩松中丞嗣曾教育成立平生詩不

多作而恪守唐音有補梧軒詩鈔余為序因錄得數首寄

徐心言

薛蘭余受業師

云暇日鎮相過狂遊不我訶書依蒲寺竹

酒泛段橋荷老去心情減年來離別多柴扉知書掩得句

近如何書嗜愚

薛澄公族姪余受業表兄

信後云幽恨憑誰訴沉吟日

又哺拋家嗟我忍從井感君多驚馬惟思棧飢烏自哺雛

春風過草木只有隰楊枯中秋日舟中云吳公臺下水不

盡向東流董子祠前月無邊接素秋水流長不逝人去月

仍留漫以人如水還看月似鉤旅館寓懷五首之二云搖

落常懷宋玉悲況今兩度值天涯苔階風過飄殘葉廢苑

人來拾斷葵涼雨一天心上淚清霜幾點髻邊絲步兵本



已疑是  
邨

是侶狂客斜日窮途只自知涼風乍動覺刁調。幾帙殘編  
共寂寥。飲量盡從愁裏減。鄉心都向酒邊消。秋成田舍炊  
新黍。冬近山家補舊窰。吳樹秦雲成絕域。碧天霜冷夜迢  
迢。硤川感舊云。紫微山下紫微橋。記得橋南舊酒標。風景  
不殊前度日。劉郎無奈髮蕭蕭。少年遊釣經行地。今日相  
看盡劫灰。只有一編綠未了。白頭重訪讀書臺。公移家禾  
中年登天塹。閉戶課孫壽八十有八。而卒。長孫。陽龍。字在  
人號健齋。幼從學於余。詩才超俊。制藝幽峭。莫不卓然可  
傳。兩中副車嘉慶己巳舉京兆試。改名思敬。次惺字。後安  
號小田。次文。藤字。秀實。號芸塋。竝諸生工詩文。

梅里門人楊端字旋吉號文璞詩人子讓謙令嗣也子讓  
博學工詩箋注縣書亭詩集行世文璞幼慧承家學詩才  
雅麗古文宗曾南豐以左手作書尤工二十年前余嘗贈  
七古長篇以朱李替人期之近移家桐鄉留心楊園先生  
之學造詣益邃著述益多嘉慶丁卯冬日同俗客過舍匆  
匆別去別後賦五古長篇預祝八旬書篋寄贈又寄七律  
一首云執經曾許易同參。撰杖今慙禮未諳。栗里名高推  
海內。靈光望重峙江南。門前美草呼書帶。砌下奇花號鉢  
曇。好約從遊諸弟子。書觴齊進菊泉甘。此意良可感也  
亡友張光浚字守初號集堂少穎悟工制藝長遊關中容

畢秋帆先生幕與張少儀鳳翔嚴道甫長明唱和詩學遂

進既而遊大梁主講席過歷高少諸名勝詩格清老顧不

自收拾藁竝無存亡姪彥國字竹孫君之愛壻乾隆壬子

夏歿於京邸君以詩哭之曰親朋塞巷憑棺哭淚灑西風

不忍乾千里信音成永訣余自淮安接家信知京邸病耗百年懷抱幾時

寬書能益智留兒讀田可充饑供母餐七字哀吟賤半幅

魂歸遥夜料猶看射策京華賦短檠巾箱遺稿亂縱橫修

文遽奪生前算及第遲邀身後名猶有鬼神言敢蘊余任

之未伸眉宇氣難平夜臺他日終相見重話當年兒女情

君久困場屋是年年六十二舉於鄉計偕北上癸丑下第

南歸卒於板浦書院君晚好儀禮手校開成石經采陳祥  
道李如圭張淳楊復魏了翁敖繼公諸家之說著儀禮正  
謫一書惜未脫稿

亡友陳萊孝字惟禎號誰園長余一歲弱冠訂交君少從  
巖門學以初白為宗性不好舉業將入立境棄不復應試  
專力於詩平生存稿十餘冊殆不下五千首也乾隆己卯  
君始出遊余有長歌題其彭城游草歷叙邑中詩學源流  
凡千二百言而結之曰古今詩派且無論守君一語吾自  
成其吾集中詩有云紛紛競摹仿李杜與韓蘇惟吾寡依  
傍我自成其吾此君諷抑之辭而余竊喜其與鄙  
旨相合君游幕二十餘載晚至陝甘倦游歸家著誰園詩話

採拙作頗多兩人往還唱和無異曩時真可謂白頭如新  
者矣丁未君年六十以自序辭祝駢體極工一時傳誦未  
幾病劇易簣前三日以沒脚蟹圖索題并限五言排律八  
韻余走筆面呈榻前以慰之曰郭索何須羨安居水草邊  
無腸亦益壽沒脚最延年白八真疣贅白八用陶穀清異錄黃中好  
結連長卿文滿腹李氏畫齊肩宣和畫譜有李稻向由拳  
熟螯仍擁劍便還宜瀕海放未許到秦懸在蟹元悠爾憑  
人笑隗然如陵同女丑讀雅補新箋及君卒余以詩哭之  
曰弱冠論交四十年。那堪一別隔重泉。篋中排集昌詩好。  
膝下談經教子賢。花甲已週差可慰。柳開同病合相憐。君

予六月十三夜大夢名柳仲塗相訪劇談古今并示古文奇  
字予歸家檢宋史及河東集知仲塗亦以疽發而卒心竊  
憂其不祥也距無多執友情何限話到雙顰淚潸然君  
易簀纔八日耳  
有五丈夫子長敬禮字與伯詩文竝工世其家學歲貢生  
未仕卒次敬畏字寅仲幼慧早夭工於篆刻次敬修字莊  
叔次敬修字可堂並國子生幼大任字抑隅州學生惜亦

早夭

海鹽張芷齋歲華螺浮給諫曾孫內弟許西鵬奎外父也

著有詞林紀事初白詩評二書乾隆乙巳以涉園冊索題  
冊自漁洋以下名人題詠甚多餘題七古一首嘉慶戊午  
至鹽芷齋已卒訪哲嗣鵬舫鵬微於涉園有詩云南郭來

# 觀

尋勝東風霽色妍。乍增傷逝感。十年前並齋。偏結看花緣。  
樹石都成趣。詩文盡可傳。園林隨處有。難得主。人賢嘗招  
同陳德星孝廉黃晉康上舍暨子姪輩午集余即席口占  
云家庖精潔酒甘醇。吸茗深譚洽主賓。雅集還同玉山顚。  
多才更比潁川荀。異書拱壁誠堪寶。提曰出宋佳札遺珠。  
益可珍。又觀竹垞初白米黃鏤。繞過候名園吟賞一時新。  
小峴先生詩所云我亦神遊到鵬舫。異書佳札恣人看者  
是也。壬戌新正鵬舫六十余以詩寄壽有云詩酒高名天  
下士園林清福地。行仙鄞鄉傳為佳句。丙寅八月接書未  
及月餘忽聞訃音為之驚悼不已。

莫子同字相如大興人後家海鹽以孝廉分發山左卒於  
定陶子之發字繼周貧不能扶襯素服終身孫如德發願  
往尋已隔四十九年土人無知者有老叟尚記其瘞義塚  
約畧可指掘地見前和題宛然道旁為之感動山左人皆  
呼莫孝子助貲得歸嘉慶丁巳事也次年余掌教海鹽聞  
其事贈以詩云子收父骨古所有孫訪祖棺古所無異哉  
莫生真孝子孝父孝祖心何殊武原貢士莫相如之官定  
陶三日餘便嬰暴疾捐館舍旅瘞不與家人俱其子終身  
持縗服其孫發願尋長途四十九年踪跡杳可憐曠野蒼  
烟無當時目擊有老叟如言畚鍤窮黃壚果見前和痛欲



絕旁觀下淚襟需濡。吁嗟乎法宗刺血常耿耿。伯孫泣硯  
徒區區。孰若孝子孝孫合為一。媲美蕭師虞傳良非誣。安  
得為倩龍眠筆。寫作山左扶觀圖。因來肄業書院文。亦可  
觀余極賞之。縣府試竝前列已未入郡庠。秦小峴觀察見  
劉信芳學使稱其孝行。旋即食餼同儕有排擠之者。以新  
生不果舉拔萃科當事咸惋惜焉。莫生字介藩此外尚有  
董形均叔改名朱瑞樓雲仲彭方頤文廷彭世詒原明楊  
琛鍾麟張賜采顯侯何同治與人蕭經祖昌基鄭伯璵貽  
孫沈紹先補堂鄭象坤同祖竝工詩文鹽邑書院中知名  
之士也

彭義門先生試博學宏儒第一相傳其寄內詩云

玉皇昨夜親裁

詔。夫壻承

恩第一人。論者謂彭王齊名。此事則漁洋稍遜也。茂才方  
願以先生家書三通見。不因詳錄之云。羽傳回。曾附平安  
一帋矣。我已于昨日考過。璿璣玉衡賦有序。用四六體。省  
耕五言排律二十韻。止兩題耳。但坐于烈日之下。筆枯墨  
涸。寫字甚難。雖不出醜。亦不甚得意。惟聽之時。命耳。  
朝廷已于今朝往鄭州。不知何日有信。若僥倖得取。家中  
切宜鎮靜。不可收一人。管一事。并整飭門庭房宇。只照常

自老係楊  
自西先生座  
建

淡淡過去。如無此一番可也。切囑切囑。報人亦不可重稿。  
并做戲。恐內人與三兒最要體面。最好熱鬧。把持不定。全  
仗吾姪一力為之。然亦是姑妄言之也。大約發落後便往  
中州。由汴入汝。七月內必到家矣。客久切欲南還。反以羈  
宦為苦。此乃由喪之言。非是客語也。自老竟升貴撫。舉朝  
為之不平。可見派立必受人排耳。內人嗽疾。想已不發。三  
兒今年可著實讀書。若今年再不勇猛精進。終身全無進  
日矣。要緊要緊。諸尊長親友各各致聲。不及遍字。計晤期  
亦未甚遠耳。寓庸姪四官三兒全之。三月初二日。姜門。又  
云。十八日。一急信。從報上送回。計浴佛日可以達矣。我試

卷幸居第一。于十七日進

呈後因

殿試匆匆廿四五

日

朝廷又至沙河故

上傳未下。然上上卷內皆經

睿覽。內有詩不工切。及走韻者。悉俱翻落。幸我巍然不動。仍是第一。居然有壓倒一時之概。亦是僥倖。蓋初一日試時。殿廷森嚴。

天威咫尺。出題又已向午。風日燥烈。困頓難堪。只得信筆直書。甚不愜意。算來平日本領此目。只得十分內三分。已拚不取。即倖取亦未必在前。不料叨忝至此。大抵試日題

目既難。光陰又促。衆人皆不得展抒。非我一人獨難也。至  
進呈之卷。乃爲寶坻老師所賞。先定上上卷。後將七卷  
同比第一。他卷皆有累句及走韻。而我詩全篇穩秀。得遂  
居其上。掌院亦與有力焉。真可謂天人輻湊。今日已有  
上傳。頃李湘北在閣中。先已遣人來報過。明日欲往見三  
中堂及吳老師。但苦門包又要費十數金耳。然此番之試。  
並不鑽求一人費去一錢。而白白得此虛名。亦算大幸。可  
見天下事。真正有數。不須妄求也。但

上傳雖未見。而聞得欲留我等在此纂脩明史。應加職銜。  
著吏部議奏。大約是確脩史非旦夕之事。極快也得兩年。

歸期謬誤如之奈何。若部議得有詞林一席。三兒完姻後。家眷必進當來。且做一處澹泊過日。如空加虛銜而無寔授。則家眷不便來矣。以下又云酒米小菜調和等物。每年必須寄糧船上也。明年大概必要來。來則須于黃家營起旱。于三月到此。庶得次第。恐同內人行。則水路或與三兒同一騾轎來。我于庚戌丙辰兩年。曾寄西騾轎于營中楊新水家可取用也。昭威前欲入朝都。何以不果。今須乘新秋一來。寓所雖貧。且自相依。以觀機會。恨不肯早來。失此騰錄一番機會耳。自老一列黔中。便開事例。吾姪之得官。在此一着。故不可不急考職也。十七史及一應書籍。急

欲寄來。凡有用之書。皆須寄到。不可太少。省得明年又要帶。摠是一般也。諸事乞與遠兄章甫細商之。數千里外。不能懸度。瑄兄老姊諸甥及叔姪弟兄。切切一致。十五日已寄一字于曾使。因其從水路。當至八月始達。故從凝止報上。又有此寄。草草不能詳也。昭威寓庸二姪全覽。六月十七日。羨門字觀此家書三通。可想見前輩風度矣。茂才羨門先生五世從孫姪茂才。世誥其尊甫熙臺茂才。方昂好收拾先世遺墨。嘗得四世從祖節愍公江西圍城家書。裝潢成冊。索題余用龍湫山人舊韻題七言律詩一首。楊忠愍公與鄭端簡公手札十七行題詠甚多。余有詩四首錄

其二。云海上高風大笠生。兩賢妙蹟一時并。當該小吏偏。  
僥倖紙尾公。然附姓名。端簡記云。癸丑三月五日。應天府。  
大笠生記。觀井圖。成懿訓同。榮陽奕葉守家風。到今乃玉。  
仍無恙。會見祥光燭太空。  
冊藏鄭氏二百餘年。乾隆壬寅  
歸于吳棧客甲寅。仍還鄭氏。



耄餘詩話卷之六

林秋佳太夫子先了閒府君受業師也諱玉藻字玉田世居邑東鳳凰橋初姓徐後復姓林工尺牘得從父寶名先生之傳太夫子館余家復館安國寺巷陳氏最後館文勤師相家最久幾三十年嘗製百花枕自題一詩多屬和者諸襄七錦和曰花茵藩溷疊相仍誰為天工惜落英藉草黃茅兼白葦擁衾竹簟與桃笙獨矜好事翻圓木收拾餘香伴短檠焉得神遊翔帝所提携百末到通明雍正壬子太夫子舉於鄉乾隆壬申以年老

賜國子監學正銜戊寅南歸襄七送行詩云不負初心大

布衣藥籠檢點是當歸。杖朝七十年逾四。鼓篋生徒奮欲飛。蜨冒蛛絲翻撲撲。馬爭棧豆戀微微。高懷詠史誰知已。謝尚袁宏有舊磯。快意還鄉馬少游。嶺雲絮帽雪碧頭。一春自愛眠花塢。百丈休牽上瀨舟。殘月多情相伴晚。寒蟬已老不鳴秋。瓊琚桃李紛無數。永好寧須論報投。歸三年而卒。

甲戌南還。座主陳文勤公寄家書并足衣一雙各納朱提百兩。余命至揚手交世兄瞻範克繩。其清況可想見也。戊寅公靈輓歸官橐。蕭然惟書檯七十二號。余與查君蒼林祖香檢收貯於大樓五楹。內有宋刻極精如舊唐書通鑑。

總類者不可勝紀公孫敬承顯曾歿後二書為劉令雁題  
所得矣散失殆盡之餘僅留

賜帖一部曾許五百金而不售近聞匪人慫恿賤價歸富  
室因以獻媚且頗分肥也蒼林時館公家後以拔貢官教  
諭年七十餘乞歸嘉慶癸亥過西門邸第有詩云平泉草  
木猶無恙欲問藏書已杳然觀者為之嘆息

座主歐陽公號竹垞湖南衡山人乾隆辛酉解元乙丑翰  
林庚午浙江副典試尋改御史乞養歸卒丙戌赴粵西過  
衡山有詩云夫子家南嶽山靈出異才高名書柏府大  
節詠蘭陔目斷雲猶結心愁霧不開醉翁門下士漉涕酌

泉臺公卒後三十年門人趙泉鹿佑刻竹詮制藝五十首  
行世鹿泉亦以制藝名其清獻堂稿屬余評定

乾隆丁亥修梧郡志開局學使行署與史笠亭郡丞鳴率  
同事頗相得笠亭好譚玉溪生詩每舉姜白巖之說偶夏  
夜納涼笠亭譚碧城三首娓娓不倦四座愕眙不解為何  
等語也時已將三更余酬對亦倦徐曰勿譚義山且聽蛤  
蚿相與大笑而散蛤蚿雖雄和鳴雌曰蛤雄曰蚿久近大  
小有三聲五聲七聲九聲十一聲十三聲之別是夜所聽  
牆內者七般也余常有詩示岑溪李孝廉世錦藤縣陳明  
經汝璋云粵嶠馳驅筆硯荒俄來此地展漁網一燈重理

儒生業四壁。驚看皓月光。漫說虞衡能作志。終憐急就不成章。上官誣諉期無負。莫使閒消片刻香。蒼梧漢郡至今傳。文獻飄零待續編。可有楊孚搜異物。曾無范瑗紀先賢。儲藏家鮮三千卷。采輯時經八十年。願得汗青功速就。敢云康趙遠隨肩。書成而余以奉諱歸里。撰圖說小序已丑刻竣。

詩家汪王竝稱。而鈍翁為文所掩。論者遂謂遜於漁洋。要之伯仲間也。鈍翁山中遊仙四十首。後遊仙八首。藝圃小遊僊六首。空山不要閑錢。使點得黃金。別贈人王皇若賜先生號。乞掌瑯嬛。未見書門庭。須是常修潔。要候他年帶。

宅。升。下。壇。手。寫。朝。元。曲。不。脩。人。間。蔡。少。霞。合。取。藥。成。猶。未。  
喫。直。緣。身。戀。太。平。時。平。生。解。笑。拖。腸。鼠。枉。自。飛。騰。不。到。天。  
不。知。道。側。青。牛。叟。何。事。淹。留。愛。著。書。聞。道。茅。君。夜。相。訪。旌。  
幢。小。駐。月。明。中。之。句。其。神。韻。何。減。漁。洋。余。有。女。遊。仙。詩。八。  
首。錄。其。六。云。釣。天。曾。醉。紫。霞。觴。謫。墮。塵。寰。四。十。霜。如。此。生。  
涯。元。是。夢。夜。深。風。露。桂。枝。香。結。伴。彈。璫。吹。玉。笙。瑤。池。翠。水。  
見。盈。盈。而。今。青。鳥。無。消。息。悵。望。銀。河。萬。里。情。放。眼。同。為。碧。  
落。遊。金。床。玉。几。下。簾。鉤。易。遷。宮。裏。花。無。數。合。讓。瓊。花。第。一。  
流。條。脫。雙。雙。火。泝。巾。黃。麟。羽。帔。鶴。袍。新。羊。權。張。碩。多。僥。倖。  
也。作。丹。房。紫。府。人。嬰。女。親。傳。道。術。高。遜。階。星。紀。猛。元。枵。儒。

仙。事。業。初。無。二。九。鳳。飛。來。五。色。毛。東。西。羅。帳。繡。金。苔。不。是。  
僊。緣。那。得。來。溪。上。桃。花。千。萬。樹。紅。雲。紅。雨。認。天。台。

自紫陽朱子有豆腐詩後我邑蘇雪溪亦有之初白老人  
四首載敬業堂集中乾隆壬子冬日王西莊寄豆腐詩四  
首索和元唱云一頃山田種有秋淮南食法妙蒸淥礅牀  
礅出膏徐溢缸面澄餘乳更柔任受磨礅初質變仍教潔  
白素風留搓酥滴粉煎其火憑仗晶鹽汁點收石髓凝成  
不羨仙寒燈賣徧曉霜天挑來農舍時論擔送向僧廬亦  
數錢棘匕山腰茅店裏荻標巷尾酒帘邊價低那用金龜  
換吸救高風自可傳筠筐携取備朝餐嗜好酸鹹異俗論

雪。稅。滿。盛。雪。雲。作。片。銀。刀。細。切。玉。無。痕。毛。蔬。堪。配。壺。三。寸。佐。  
醉。聊。傾。酒。一。樽。更。愛。冰。天。棱。角。厲。和。羹。轉。手。變。奇。溫。畧。糝。  
吳。橙。點。蜀。薑。箇。中。風。味。淡。偏。長。穆。家。兄。弟。應。同。品。市。上。屠。  
沽。詎。解。嘗。逆。士。餐。霞。成。勝。趣。貧。居。服。玉。詫。良。方。流。匙。滑。辣。  
清。如。許。遮。莫。齋。期。學。太。常。余。詩。云。食。經。千。古。託。淮。王。見舊唐書  
藝文志萬。畢。同。傳。教。乳。方。寧。料。腸。饑。充。曼。情。儘。教。齒。落。任。張。  
蒼。持。錢。入。市。筠。籃。滿。切。玉。如。泥。翠。金。香。聞。道。八。童。都。狡。獪。  
至。今。留。味。苾。芻。房。柴。桑。惆。悵。豆。苗。稀。角。果。登。盤。願。未。違。滄。  
泊。待。加。三。樛。飯。精。華。先。試。六。銖。衣。煎時面上凝結者為紫  
豆腐衣入饌尤佳  
茄。白。薺。何。嫌。瘦。紅。鯉。青。魴。倍。覺。肥。倘。遇。載。醪。祛。所。惑。家。常。



草具話忘機。茅店雞聲樹影濛。榨箱殘月磴床風。宰羊造  
口烹庖小。攷豕關心汁滓空。義比善救參孔氏。俗呼買豆腐曰攷豕  
讀如獠書。音同丁雅補。歐公又呼更吟酺煮黎祁句。撫拾  
方言一首中。海澨山陬到處磨。配鹽幽菽豈能過。味兼名  
鮮佳蝦勝。香入晚菰早韭多。羹店誰開尋茂德。蜜脾欲漬  
供髯坡。回思犀合瓊漿美。付與廚娘白雪歌。時里中同作  
者十餘人。偶摘數聯於下。寒士飽餐猶選日。齋厨清供首  
登盤。石磴淋漓浮白乳。榨床點滴瀉清泉。俞廷藻挾庭笑我為  
儒難上席。嫌他是乳都無香。君看白首京華客。擲筆中書  
未忍捐。歎中有坑腐許文穆公酷嗜之人稱許問切玉無

老腐詳季君實達擺夜話 吳騫槎客

聲隨素手凝脂有味潤枯腸周廣業薦客味同村酒薄調

羹雅稱野蔬香許琳鄉味且留佳客供詩名合向腐儒傳

徐惟懌孤燈夜磨催成易小市晨檐喚賣喧蘇琳也知無

分將軍腹其奈難忘博士齋尤愛雪花精潔甚濟尼曾與

妙安排比邱尼以腐渣製熏成竺國瞿曇面市有熏腐盒

作中山醉客顏紅醬盒者剛以含柔非一致白能幻黑更

多般腐乾有海塩新市濃香不敵星星臭記挈甕罌市上

還醃腐令臭饑餐合佐雙弓米癖嗜還呼五葉蔭油沸者

豆腐老吏褒許符美德詩翁吟詠到鄉音鍾大源大烹每共

承茹菜小宰何妨鹽豉油鍾大復野店割雲呼外酒盤飧

綸思

堆玉襍辰衣。熊肥蛙瘦何須辨。蒜友衣朋亦已廉。王叔量又良

又亡友舊刻并附錄之時供古佛伊蒲饌不斷貧官苜蓿

盤無窮世味。醎酸外有限交情。水乳中子舍會須謀菽水

貧家何敢棄糟糠。雞豚社裏成呼吸。杞菊厨頭辨咄嗟。軟

雲潔雪懷三德。三德見虞道園集翠金金盤讓五侯。菜衣養志千

鍾祿。顏巷留賓四座歡。談笑無妨分佛火。烹調時或乞隣

醯。陳萊孝誰國割來雲母流脂滑。點就香酥下筯甘。玉烈錯曾

呼石髓。裴航急欲飲瓊漿。任是藜羹堪竝設。何妨晶飯也

同登。張廷琮前山

蘭泉掌教萬松書院以柳枝詞命題課士選刻二冊意欲

仿鐵崖竹枝詞似未見鈍翁姑蘇楊柳枝詞者其詩亦不  
如遠甚矣案類藁自鈍翁元唱外凡八十八人方外五人  
閨秀八人又補和三人共一百四人內海寧三人查詩繼  
南字二云隋隄春色近如何賈舶空傳水調歌誰似張王城  
外柳東風歲歲客愁多查嗣棟字夏重即詩云聽到鶯聲  
春盡頭綠楊圍處是蘇州吳兒緩控行驄馬吳女停橈繫  
綵舟查鉉字聲山即詩云蕭郎經歲斷歸音柳陌春光漸  
漸深蚤識飄綿復飛絮悔將蒲帶結同心此集吳縣周靖  
箋注王不山繪圖無一不精覺後來之草草也  
余有西湖柳枝詞十首并序云敷文院長課士以柳枝詞

命題作者甚多。余亦偶詠。因思折柳興於樂府。新曲創自  
白公。厥後唐賢殊難悉數。宋初僅推騎省。杭人止記存齋。  
近若堯峯。尤稱極盛矣。茲則竝無本事。惟有雅辭前三首。  
詳體製之源流。後七首寫湖山之情景。陳言務去。庶幾免  
大拙之訶。古調獨彈。倘得邀清翁之賞。館娃未必勝錢塘。  
記取香山句子香。復道他年誇盛事。閒情先問永豐坊。許  
昌詩律善相輕。劉白宮商肆品評。吟到水蒲風絮句。洛橋  
錯比六橋晴。姑蘇一卷玉遮樵。為有章臺無限嬌。此目披  
圖重點筆。柳塘鷺鷥倩誰描。雙峯剪出萬絢絲。挂滿環湖  
拂地枝。綰住春光莫教去。畫船齊唱壽杯詞。翠浪鶯啼不

露身飛來謝豹。喚遊人。映波橋外。花千萼。李白桃紅一樣。  
新彈指聲中。汁染衣。算將四十九年。非關心。最是西湖柳。  
不獨金城感十圍。年少狂遊。日未斜。紫韁青纜。繫槎枒。自  
嫌老去。渾無力。笑對屏山。捉柳花。陶令高風。重晉書。宅邊  
有樹。愛扶疎。如何宋嫂。魚羹後。暑沽偏題五柳居。天上長  
懸柳。八星曲頭。垂似折枝形。人間。過向湖隄。種散作湖中  
九子萍。濯濯臨風絲。正柔。含烟帶露。亦宜秋。從今樂府。翻  
新譜。分付旗亭。第一樓。又有十二首。用晉折楊柳歌體云。  
新歲湖邊柳。尚髧先春。已是露青痕。試將一德從頭數。漫  
說葳蕤蘇小門。正月披拂長條。過覆隄。竊黃慘綠。映玻璃。一

雙燕子銜泥處。不管嬌鶯自在啼。月二縱酒高歌滿眼春。相思惜別往來頻。月三蘇公堤上逢飛絮。爭識垂楊是故人。月四新綠成陰花事殘。三眠嬾上玉闌干。阿誰折取一枝柳。柳向酴醾洞口看。月五艾綠榴紅晝景長。柳洲水滿浴鴛鴦。應憐碧樹垂垂瘦。半帶朝烟半夕陽。月六三伏開窓對榻宜。納涼湖上去遲遲。羊坊酒庫今何在。古柳林中小立時。月七千絲萬結對高樓。銀漢迢迢渡女牛。柳是人間長命草。能消天上別離愁。月八鷺嶺天香月下飄。霏微珠露滴深宵。此時楊柳新搖落。有約吟秋米市橋。月九不少登高作賦才。紅舡解纜獨徘徊。鯉魚風起黃花晚。五柳門前送酒來。月十霜輕日

暖正初冬。婀娜風流翠轉濃。恰則小春時候好。幾行疎柳  
倚孤松。月十灞橋風雪冷交侵。脆葉柔條力不任。却羨仙童  
一九藥。護根長保歲寒心。月十一檢點韶華又一年。柳邊梅  
發故依然。東風徐覺陽和動。莫折枯枝挂錦韉。月十二余興  
到揮毫未免浪費筆墨。倘倣靜志居詩話竹枝之例各誦  
所聞恐絕少佳篇。惟浮以太白而已。

余自粵岑携小草歸。葉密而枝圓。擊之輒斂。縮土人呼怕  
老婆草。因其名不雅。刪易為畏婦。載入州志。好手多圖繪  
之。歛方蒸砂。塘海鹽陸忍菴以譙陳學川。寬董均叔。楊鄭  
袁陶軒鈞。仁和余松屏。天觀邵懷粹志。純同里陳誰園。萊



孝 吳槎客 潘汪小海 淮陳仲魚 鱣張芝岡 牙冠朱漢階 有

倬 楊書巢 秉初題詩竝工許雪林士元題詞一闕調寄賀

新涼亦工雪林携圖至杭錢嶼沙先生見之題鬱林石三

大字於冊首知余無粵中喪也邑人章茂含字魯得工書

法亦題四畏珍草圖詠六字于前里中有楊叟者題三絕

句第三首云葉斂枝垂畏痛真痛生何處畏何人只宜懺

悔香嚴地自有男兒不畏身其夫人耕雲女史陳登峯見

詩而惠題四絕句第一首云人間恨事最難平異草無端

負此名試問阿誰同病者不妨相對訴衷情伉儷之間因

此幾致反目余作二絕句解之云相敬如賓老更恭時時

說李似無庸。草名於爾干何事。賦得愁心爾許濃。桂海移  
來過地生。黃花綠葉態盈盈。莫教種近南天燭。恐惹中心  
愈不平。宋袁賓堯隔閏評云庭遂和好如初亦佳語也  
前種南天燭

耄餘詩話卷之七

恭題

御畫壁藍即次

御製元韻云壁藍譜入群芳中凡事園葵弟山薤養成木  
本挺礫柯霜雪交侵常不壞味甘差可佐稼穡性澹未須  
埽薑桂一經

御筆賜描摹窮樵風物競生態安得山左過地生劓取充  
饑萬民賴蚩蚩肉食厭肥腴此品未嘗何足怪蔬族也北地有之近  
代入群芳譜中此歸愚先生詩也案壁藍菜名形似芥土人呼大  
頭菜同年孔肩吾觀察疏文在寧時每餉醵兒菜余有詩

云一簍瓢兒菜。金陵號土宜。民當無此色。味却有須和。爛煮香羹釜。新嘗滑飯匙。虎臣曾有句。蔬譜合相推。

陳廣文無軒焯。乾隆乙巳署我州學正。以湘管聯吟寓賞。初編見贈君虛懷若谷。作詩必屬余改定。唱和頗多。余檢得劉龍洲鹽官權學詩。君欣然追和。君贈慈谿馮次牧讀書床銘。拓本余作後。讀書床銘又為撰募建素心閣疏。丁未任金華。寄小冰壺洞天詩卷索題。余漫成四首錄其二。云草根搜斷碣。上有飛白書。唐卿三百點。相較竟何如。寒夜擊鉢吟。愛客陳驚坐。細啜襍兒花。此間應著我。嘉慶庚申。攜歸雲墨寶手卷。過齋。余口占題二首。云太白山人擅。

逸才一時投贈盡瓊瑰。客從清遠吳興地。携得歸雲墨寶

來。

卷中為孫太初詩及同時贈太初後人題歸雲庵詩也。

流寓曾聞高士湖南屏鶴

券。又輸租。浙西到處傳名勝。安得倪黃為寫圖。君歷署十

九任甲子。實授鎮海戍。辰免官歸以歸湖圖索題。余疊君

自題元韻題詩四首。其末首云。洛社香山願未休。況逢如

滿預名流。

僧道恒携圖卷來。

不知何日重相見。行脚爭先學趙州。

二十餘年之交情畧見於此矣。

山陰同年陳騎尉聖傳

殉節臺灣嗣子默齋廣寧以難陰

官海防營守備著有壽雪山房詩集。余贈詩二首。有漢室

期門多貴胄。唐時節帥屬詩人。一時風雅追俞戚。千古勲

庸薄李程之句又題其詩集云五集編成重錦囊。

曾見舊作五集

新詩又喜見琳琅雅歌最愛才華妙不數當年郭定襄君以此詩同雲臺阮公菊溪百公信芳劉公李許齋明府梁山舟太史詩刻石君尤愛余海潮歌刻入集中後海潮歌又手錄之君自嘉慶戊午來任甲子遷官赴閩同人餞別陳園分韻賦詩君在閩余寄音學三書有書復謝君與晴巖為僚壻今晴巖入詞林而君需次總鎮皆副余平日之期許也

張荔園駿畫山水小景得元人筆意設色作花鳥有生動之趣嘗為余寫竹梧消暑圖門人沈懷方國器汪體仁百

齡楊廷俞堯臣

許名夏

銅楊醇一秉初

陳學初傳經

湯葆

初步藏錢廣伯。馥竝有題詩。嘉慶甲子秋來杭。送試。余題

其連城詩。草云。梧州教授文苑傑。官舍養親白華潔。秋滿

偶歸水雲窩。回思已是十年別。袖中一卷出新詩。含唐咀

宋。推佳絕。壓倒君家菊。籬吟使向韓。蘇符真訣。吾衰殊愧

一日長。殘錦久還難。再覓况復海邦風雅稀。入於里耳。忘

工拙。此別人生能幾回。此詩好手誰相敵。為君高歌且擊

節。揮毫題詩罷。唾壺裂。又為賦李北海。丁丁碑歌云。荔園手

贈北海碑。為言土人呼丁丁。世間豈有追魂理。俗語不實

流丹青。歐陽集古無此說。但云君謨稱最精。趙明誠錄著

為二邑書自在開封城八分體有韓擇木年同月異難合

并趙錄云李行書碑三月韓八分碑七月並開元五韓碑

今在金鄉縣款國子監太學生見石文其謬可糾良

不一大者莫如名慧明亭林云此碑有道先生慧明與趙錄

呈考道興子慧明則慧明為法善父而慧明之先稱有道

有道先生法善曾祖國重也趙顧並誤

班班世系毋庸爭曾孫景龍觀道士乃即法善鴻臚卿王

氏與地紀勝出碑目始標追魂名天師譎幻工攝召荒雞

大叫方五更紅日將上魂欲去丁字連點筆不停此事相

傳何怪誕姑妄言之姑妄聽兩人竝載新舊史文苑方技

馳英聲望重無過李北海越國公亦多光榮嘗讀少陵八



哀句。碑版照耀長留銘。又聞偕遊月宮裏。紫雲一曲通仙  
靈。宜其附會有如此。足見寰宇咸心傾。孰料開元變天寶。  
漁陽鼙鼓華清驚。花朝空憶寧王笛。雨夜徒悲蜀道鈴。肉  
髮鱗臆久猷瑞。盛衰轉眼如初醒。是一是二何須辨。傳疑  
傳信殊香冥。石鐫久佚摹本妙。蹟尚在垂千齡。謝君奚  
啻百朋錫。補金石考增圖經。

前輩查編修星南祥張學錄去疑思問齊名編脩詩平濬  
學初白翁有雲在詩鈔學錄詩雕琢好用僻典有雪煩詩  
鈔雪煩有才子三長編脩存中為儀次明經曾芝為儒次  
孝廉日俞為修三人中以明經為最學問淵雅詩文竝工

著蟲獲軒筆記於經史多所發明年四十餘卒臨終詩四  
首一時傳誦余但記第一首云緇囊縹帙亂縱橫。鹵莽無  
成嘆此生。垂死欲陳來世願。一燈重理讀書聲。良可悲也。  
孝廉娶於許。亡室從姊也。通詩書。嫻禮法。孝廉早卒。撫四  
子成立。節孝奉。旌少子。順可。字瓊友。歲貢成均。諸孫多  
遊黌序。人咸謂苦節之報云。同時有陳上舍沅。字湛斯。號  
澄齋。學錄弟太倉州守浩亭。思園。壻也。著有稻齋正續詩  
集。小波詞鈔。君為丙齋司寇。曾孫性嗜藏書。輕財好客。文  
士多樂親之。年五十餘。家計中落。病酒而卒。子文振。字天  
中。庶吉士。贈如其官。

股堰廟在蕭山縣西十里西興鎮大興朱文正公碑畧云  
西興鎮有塘曰股堰相傳元至正間江湖盜析官督分工  
築坊有里正楊伯遠者分直西堰其下潭深水怪所窟築  
輒圮伯遠破產被壅楚不可活其妻王哀之夜泣禱於江  
誓以身殉割臂肉投潭中飼怪物曰願憐而他徙越夕潭  
沙漲堰竟成越人為立廟報其烈越五百年謠為龍圖廟  
幾不知有楊王氏矣乾隆六十年江水南圻蓄堰鎮人呈  
其事於縣達之大府聿新其廟是秋潮不為患嘉慶元年  
撫臣吉慶疏聞

賜額曰精誠屹衛

賜封號曰烈彰恬顯蕭之人將書其事於碑而屬珪為之  
文土人以啟徵詩余為賦七古一首時適編輯閩中陳恭  
甫太史壽祺所叙海塘通志稿此廟未載因補載之

楊文璞蟠題

余潮說云文章千古話群班鄭仲馬與黃陳

王

伯仲間

繡梓即時煩季重

吳槎客先生雅此書復絕

五

為瑶鐫當世遇君山

吳稷堂先生新集誰憐猶魄歸空

腹

共笑鈔胥付厚顏寄語嗽名庸妄容冰油紙破未須刪

近

有人輯海潮說者談論無多而最為海潮說三篇余七

十四

歲時所作論創而確頗自信其可傳也吳槎客為陳

雪樵

廣寧陳月瑋曾竝有題辭

詩之雜體韻之出入對之參差唐宋多有之後米字鑿彌甚有費經案者詩人此度密之于於進退格外又增轉轡韻格雙出雙入葫蘆韻格先二後四此格之支離也又解牙成對云就句鉤鎖如犬牙相錯而成謂上句意而下句申明之如呼問答引歲時傷道路親友在西東風磴吹陰雪雲門吼瀑泉為例又解閣子對云或出一對二或出二對一謂之閣子對引厨人具雞黍稚子摘楊梅不能師孔墨何事問長沮鄉思不堪悲橘柚旅游誰肯重王孫為例此對之命名可笑也論詩如此亦可謂詩道之魔矣

巖門有古鹽官曲絕句百首余有海昌勝覽二十卷絕句

二百四十首意欲備一州故實其注極詳披羅甚廣吳槎  
客寫有蠡塘漁乃絕句百首陳河莊鱸有新阪土風絕句  
百首張含章愈有海昌竹枝詞百首敝廬向頗曰著書齋  
歸愚宗伯嘗寄題七古前見河莊新阪土風詩云北城粉堞  
對橫街聚秀橋邊景更佳却被草堂添畫稿好風吹滿著  
書齋自注聚秀橋在宓家灣松靄先生著書齋在其西  
余從太平廣輿中抄得張表臣珊瑚鉤詩話三卷表臣通  
判常州北宋末人庚溪詩話二卷題西郊野史述孝宗時  
人四六談塵一卷題靈石山藥寮亦南宋初人余最愛庚  
溪詩話所載無名氏題壁三絕句太乙峯前是我家滿林

書藉足生涯。春城戀酒不歸去。老却碧桃無限花。臨安江

南三月已聞蟬。麥秋梅黃繭作綿。料得故園烟雨裏。輕寒

猶作勒花天。建州崇安驛。騎馬出門三月暮。楊花無奈雪漫

天。客情最苦夜難度。宿處先尋無杜鵑。鎮江丹陽

同年繼君山鵬號。息園陝西鄜州人。官粵西容縣。今相傳

唐楊貴妃為縣之辛堽里人。故宅尚存有楊妃井及妝臺

君修志時疑是五代南漢宮嬪有楊姓者。後人因而附會

將辨刪之一日。路經辛堽。歸夜夢女子明豔朗誦一絕句

云。使君且看妾容顏。妾是當年楊玉環。千古馬嵬留怨恨。

魂猶戀此莫輕刪。覺而爽然。遂據舊志詳載。不敢刪也。息

園工制藝。慈祥愛民。戊子分校秋闈。返署至陽朔。遇江水暴漲。溺水而卒。容民莫不流涕。

象山同年姜炳章字石貞。號白巖。館于郡城。盡讀范氏天一閣藏書。所學極博。詩文典贍。先師裴文達公。錢文敏公。並愛重之。後官四川石泉令。以循吏稱。子璵。乙酉選拔。象山聞白巖之風而起。莫不砥行讀書。錢茂才沃臣字心溪。其最著也。嘉慶乙丑。客州署。因受業于余。所著蓬島樵歌二卷。紀其土風。余為之序。復題詩四首。錄其二云。三絕才名擅弱齊。生花綵筆過留題。攜來一卷樵歌好。滿紙香濃紅木樨。五十餘年感舊深。韓門籍湜話同心。謂姜白巖同年因之。



口號闕存沒。不得堯章共賞音。心溪詩文之外尤工書畫  
余戲易青藤山人語為畫一字二詩三文四贈之

耄餘詩話卷之八

嘉慶己未二月十四日洪稚存太史亮吉來寧觀湖鴈汪  
生嘉穀先道意必欲過訪是夜潮罷已三更矣遂不果來  
六七年後陳生月琿見太史於揚州猶以不及訪余為憾  
事余亦仰慕高風付諸神交而已戊辰冬送月琿之暨陽  
兼懷稚存先生云高才仍未遇遲早定何如久泛香灣後  
重尋道院初相期三月別便寄數行書倘見盤洲史傳言  
問起居近聞太史下世為之愴然

乙丑仲冬月陳桂堂太守廷慶過訪以所著詩饒一冊及  
墨刻三種見投復集蘭亭字書聯為贈執後進之禮辭甚

謙抑。余以音學三書報之。桂堂慷慨結客尤好賙恤貧交以故人多稱之。

陳文鐵崖

淦戊辰詞林著有賦彙題解遷居永邵命令子

高翼

從學於余鍾雨軒式穀鐵崖東床芬齋閣學蘭枝

仲子也乾隆癸巳甲午間未中結一會課寄余評閱雨軒

制藝功候最深時論推為必售顧終老不遇遠近惜之雨

軒兄耐園

式金工吟詩亦困場屋沉淪下僚終萍鄉尉有

才子箬溪

大源少嬰痼疾遂肆力於詩所學大就極為雲

臺中永賞識箬溪弟甫堂茂才

大復從弟吾山孝廉大進

皆能詩文余題高翼天香書屋圖云君家仙桂五枝芳好

恒五對切磨也  
又音龜音也  
前漢禮樂志  
一一即即注  
一一掌積即即  
充實字典

北桐陰詒舊長。想見小山叢綠處。磴磴即即貯天香。耐園

官萍鄉時。余有三絕句寄懷云。別來久示維摩疾。嬾寄西

江一紙書。吟詠不教曹粉廢。想君風雅有誰如。十年前記

到萍鄉。艇子爬沙野渡傍。此日楊岐山下路。循聲應早過

瀟湘。弟兄遠宦各天涯。挾冊披吟獨住家。君弟時風仕閩

合應秋更憶吳興詞賦客。張生馥雲秋來同折卻詵花。若

試在家溪茗花杏花賦得天寒有鶴守梅花。限四支七言潘西湖

葑草用東坡次趙德麟治潁州西湖成兄懷韻諸詩竝選

刻訪經精舍文集。

表兄楊竹巖煥綸外祖父艾軒公孫母舅起濟公仲子也

君幼聰慧博涉群書熟精周官禮李延壽史年十六工制  
藝補縣學生才名日起善書法尤嗜吟詠乾隆壬申秋以  
詩卷謁歸愚宗伯宗伯製序以著作之庭期之省試不利  
因賦遠游以故抑鬱不自聊得啜血疾辛巳客如率壬午  
正月歸家卒於丹陽舟中年僅三十有五余與先兄玉井  
梓粵西草一卷未能及其全也蘇落集一卷沈宗伯序道  
蒙一卷集外詩一卷  
君性孝友外和而內介里中有俗子作惡詩者君待之嚴  
冷以如意帖之而已張集堂先從中州之行君次留別韻  
送之云大都文士離家日常值名場下第時悲哉具言之  
也尚有表兄樹滋嘉禾工書能調汝和能文茲竝及之

亡友顏惟瑩自修號輝山秋崖閣學悅履曾孫邑庠知名  
士也君詩文竝工而尤精書法初學顏柳繼學鍾王後過  
參蘇黃趙董於碑帖無不臨摹一時屏障多乞其書箋對  
見貽余以詩謝云學書初學米襄陽筆陣翻新到二王寶  
泉虞蘇若評論也應家法溯黃岡君曾祖閣學工書故臨  
撫祖刻貴多師瀝向吳箋洗媚姿顏使寒齋添二妙通翁  
大字仲先詩對書草堂集有名開富君字性敏捷日可作  
三四千余詩文藁及爾雅廣疏三十卷皆君為余手抄嘗  
出游江右記其滕王閣詩云南浦西山圖畫裏春鵬秋蟬  
往來中何減羨門依然極浦生秋水終古寒潮帶夕陽一

聯也惜年未六十貧困而終

巖門文每稱其族兄如周義之詩嘗見其頻削草一卷與

萬拓坡光泰唱和最多有山塘賣花詞送同藥師弟作云

亞字欄杆曲徑幽蕭蕭門巷近芳洲磨絲飄過東風雨催

掃山前花信樓縹緲寬窄量花栽養葉培根次第開只與

吳閭添小景頻煩白傅築隄來北勝南強照眼明群芳譜

後盡知名新來乞得波斯種暮紫朝紅盡不成虎邱山下

碧瑤流虎邱寺裡遊人稠年年貪看花枝好不信種花人

白頭。

我邑四鎮郭溪最小前明惟嘉靖時中一楊明綬論者謂

二蘇預景泰十才子之列。盡世地靈也。三十年前。闔鎮秀才。不過五人。且從無食餼者。乾隆癸卯。郭溪以會卷寄余。評閱。見蘇崑圃。琳制藝。固佳。詩字尤工。許題賦得隔岸余越山多得江字亟賞之。謂郭溪風氣開矣。會卷例以成語編甲乙。余即用雪溪詩句。蓋期望之殷也。崑圃銜知己之感。執弟子禮甚恭。已酉。選拔嘉慶己未。成進士官員外郎。惜不永年而歿。自崑圃後。登賢書者相繼矣。鎮人徐生蓉泉。潘早歲遊庠肄業安瀾書院。詩賦秀麗絕倫。余每嘆為仙才。客來言其夭卒。己巳九月廿二日年二十有六無子女不勝痛悼。倘天假之年。何遽出雪溪雲壑下耶。



五六十年前硤川詩學極盛有許太史慕迂惇為之提唱  
太史宗伯之孫太常之子早入詞林急流勇退家有道古  
樓藏書數萬卷丹黃評閱至老不倦著述甚多遠近推為  
博洽所選有歷朝詩文四六惟載道編六十卷刊行則所  
選古文也太史長子早世暮年得子不能讀父書女適桐  
鄉汪仲汾外孫殿元如洋其道古堂詩文集盡歸外孫未  
及刻而如洋卒今不知所在矣太史詩友吳嗣廣字芭君  
號樵石及初白之門寓公姚江陳梓字脩恭號古銘詩文  
書法高超絕倫從弟勉殿字觀文號思晦一號晚榆制藝  
亞于宗伯詩字並工余姑聲也後輩有陳遇堯字率如號

秋坪制藝試輒冠軍詩亦雅潔有古梅軒詩鈔四卷晚榆  
雍正丙午孝廉官至知州秋坪乾隆壬申進士未仕卒慕  
迂為初白源聲其居第即周氏之青蘿池也今與葢書並  
歸他姓宗伯生祠在雷山麓近亦荒廢矣乾隆乙酉太史  
曾為余序著書自序彙鈔文辭書法並妙尚寶箴之太史  
之歸道山已三十餘年風流歌寂詞人絕響不禁感慨  
東城王橋楊氏門才極盛無不能詩外叔祖晚雷瘦仙兩  
公其最著也晚雷公詩學蘇查初白極稱之瘦仙公詩書  
畫世推三絕丁丑修志余撰傳入文苑中晚雷公子舅氏  
式玉字元白制藝詩字兼工

式金

字亞夫長於詩畫

式道

字叔行竝為名諸生而數奇不遇叔行舅氏子表弟芬字  
九滋號畹耕亦能文工書法惜其早卒余有輓雁隅中丞  
即用其臨終絕句韻三首云司馬家聲重鳴鐘上房出後  
更名終高門令望眾區消政事文章兩不空喚醒人間夜  
半鐘誰能有始竟無終功名已到凌烟閣猶道回頭總是  
空君賦采芹樂鼓鐘我歌革鹿聽三終追思四十年前事  
悟得殊途一樣空疊前韻輓九滋茂才二首云一鄉稱善  
警晨鐘半載聞歸賦令終書法兼工兩文敏而今妙蹟已  
成空經行東郭怯聞鐘儘可延齡乃告終留得楹書須努  
力他年阡表莫教空

高江村集鳥鼠同穴今濶窩圖

四十九蒙古部落之哨口也

多有之人

以水灌其穴

則出即爾雅所謂餘鯨也

句云寒暑年年共

烟霜夜夜啼

鳥獨於夜啼聲細可聽

應防晉陽灌定破爾沈迷又跳

免前足纔寸許後足幾一尺行則用後足跳一躍數尺止

則蹶然仆地生於大漠即爾雅所謂蜚兔也句云休云三

窟狡狂躍一何愚地陋產真劣聞新載豈誣此二詩可補

爾雅注疏

今詩家所云梅村體即初唐四子體也其音節出於西洲

曲余向疑梅村用韻太雜既北十家詩話中亦詆之近細

考所用悉本吳才老通轉之法迺知前輩未可輕議

張廷琮廣狀微  
錄宋湯漢字伯  
紀吳東淵安仁  
人工部尚書端  
明殿學士諡文  
清

湯文清公事實詳見宋史儒林傳靖節詩注四卷惟馮氏  
通攷經籍門著於錄是書乃世間所希有宋刻之最精者  
也流傳日久紙墨敝渝偶從友人處得之不勝狂喜手自  
補綴亟命工重加裝訂分為兩冊完好如新余家舊藏有  
東澗選本妙絕古今此更出其上矣乾隆辛丑長至後三  
日內樂村農書 卷尾有董宜陽印宜陽字子元自號紫  
岡山樵華亭人上海諸生工詩文善書法與何良俊徐獻  
忠張之象才名相亞有四賢之目 卷末有項禹揆印禹  
揆字子毗秀水學生明季遇難當與子京雁行見明詩綜  
述酒詩為晉恭帝而作其說略本韓子蒼而萃勝諸梁

黃山谷亦嘗解之非創於東澗也特此注加詳耳零陵王以九月終與詩所云秋草雖未黃融風久已分者正合靖節時當禪代雖同五世相韓之義但不敢直言而借度辭以抒忠憤向非諸公表闢幽微烏能白其未白之志哉

朱子謂荆軻一篇平澹中露出豪放本相須知其豪放從忠義來與述酒同一心事 陶集祭程氏妹文書義熙三

年祭從弟敬遠文惟云癸亥自祭文惟云丁卯此與宋書本傳之說相合但指所著文章而言若詩則不然大約晉時書甲子如庚子至丙辰是也入宋不書甲子如九月閑居之類是也自來辨此者都未明晰 鄭康成誠子益恩

書末云若忽忘不識亦已焉哉此命子詩末二句所本也  
陶詩雖平澹而無一字無出處如此 陶公晉書宋書南  
史並有傳一人而三史列傳千古止此一人人豈以爵位  
重耶晉書作泉明南史作深明並避唐諱 東坡愛陶詩  
質而綺癯而腴晚年居海外過和其韻子由為之引稱其  
遂淵明比也至謔菴律陶不足觀矣 此本大字端楷作  
歐陽率更體頗便老眼且校讐亦鮮形天慶鈞之訛裝後  
覆閱數過殊可寶也 嘉慶戊辰囊空需用此書售於茗  
估去我之日殊難為懷

慈谿鄭簡香孝廉勲以母張太安人清芬勁節錄乞題余

詩云義門世澤重江東浮碧山邊瑞氣充七日孤兒成國

士千秋大節仰高風龍岡表後書推荻留守歸時味憶熊

聞說董楊今勢足

明州鄭草妻董見莆田柯氏宋史新編慈谿楊貞女字鄭子璵見明史

名

標彤管頌無窮仁和蔣蔣村司訓以姑母蔣貞女事實

求傳及詩余諾之四五年而未果心闕然也茲記其畧云

貞女父元文幼通書史年十六許字同里高華宗二年病

歿貞女欲匍匐奔喪高氏以立嗣無人固辭貞女以死自

誓因母病忍緩須臾迨母病愈乘間赴水救起感憤成疾

却藥餌不進絕粒五日而卒姪洞為請旌蔣村家西溪

詳見請褐山房詩話



大伯父秋水公諱以澄又自號方頭子性恬澹不慕榮利  
中歲即棄舉業不赴秋闈惟以讀書為事嘗鈔節唐語林  
秘笈餘冬序錄堯山堂外紀諸書著有方頭子雜俎四冊  
友人郭星如爍為之手鈔今其書不存偶記其一則云順  
治間邑有詩僧曰陳和尚嘗作絕句云今朝是我娘生日  
剔起佛前長命燈自來自炊還自飯替娘齋得一員僧又  
一則云康熙癸卯邑人翁蒿中式時人口號云和尚做宗  
師尼姑來典試同是廟裏人中了翁道士蓋是時學道胡  
尚衡主考李儀古翁則黃冠而返初服者也可發一噱  
唐鄭左丞薰以太子少師致仕名所居曰隱巖庭蔣七松

自號七松處士。謂他日可與五柳先生作對。今僅存贈九華處士鞏疇詩一首。詩序謂疇善禪名。理所讀老易淨肇四書講解甚精淨者。淨名經肇者。肇論也。

毛西河進

呈古今通韻表云。求論一字。苦搜五典三墳。

閱盡群言。始識雙聲疊韻。西河之論如此。而今人或易視之。或妄議之。何也。余嘗有絕句云。試讀初晴表。應知此事難。如何庸妄子。竟作等閒看。

憶在粵岑時。有黎木壬者。幼聘蘇氏之女。後悔婚成。訟余斷令完聚。擇二月十二日吉。日當堂備花紅。賓相樂人令原媒同木壬迎娶。隨親往黎家止用角蓋。助其花燭。并給

青蚨三千。舉家拜謝。是日觀者如堵。余口占兩絕句云。却  
扇催妝。黎子雲眉間喜氣現。氤氳漫言織錦回文好。自愛  
荆釵與布裙。真個牛欄西復西。從今嫁娶不須啼。口吹葱  
葉他年事。祝汝多男舉案齊。迄今數十年。想子又生孫矣。